



ZATRAZENO 24-SATNO ZADRŽAVANJE OSUMNJIČENIH

Nakon procjene dokaza Tužilaštvo HNK-a će danas odlučiti da li će zatražiti pritvor za Anesa Kurbegovića, Šeherzadu Porić, Darka i Vjekoslava Sliška i Semira Serdarevića

Kantonarno tužilaštvo HNK-a odredilo je 24-satno zadržavanje za pet osoba uhapšenih u ponedjeljak na području Mostara u akciji kodnog naziva Sunce, te će danas nakon analize dokaza koji su im dostavljeni odlučiti da li ima osnova da se za uhapšene zatraži određivanje pritvora.

Ukrali kamion

Tužilaštvo će procijeniti da li postoje čvrsti dokazi na osnovu kojih bi mogli zatražiti pritvor s obzirom na to da osumnjičeni nisu uhvaćeni na djelu, nego prilikom transporta ukradene robe. U policiji, međutim, smatraju da za zadržavanje u pritvoru ima sasvim dovoljno dokaza.

Kao što smo pisali, u zajedničkoj policijskoj akciji pripadnika SIPA, MUP-a Kantona 10 i MUP-a HNK-a uhapšeni su Anes Kurbegović, Šeherzada Porić, Darko i Vjekoslav Sliško i Semir Serdarević zbog sumnje da su iz skladišta firme "Ivanović" ukrali kamion cigareta vrijednosti pola miliona maraka. Kamion sa cigaretama pronađen je u naselju Rodoč kod južnog ulaza u Sokol. Navodno je još jedan kamion pronađen na području Jablanice, ali za to još nema zvanične potvrde. Pripadnici SIPA određeno vrijeme prisluškiivali su telefonske komunikacije ove grupe te



shvatali da je u toku pljačka skladišta cigareta, pa su o tome obavijestili mostarsku policiju. Navodno je prvoosumnjičeni Kurbegović u ševroletu koji je iznajmio u Sarajevu uspio pobjeći prema Jablanici, gdje je zaustavljen i uhapšen, dok je ostatak njegove grupe uhapšen u naselju Rodoč.

Petorica osumnjičenih se također terete za pljačku skladišta firme Vision u Matoševoj ulici u Tomislav-Gradu odakle je u julu ukradeno 3.000 originalnih naočala svjetski poznatih marki Police, Lozza, Furla, Loewe... Maloprodajna vrijednost ukradene robe iznosi oko milion i po maraka. Lopovi su tada također odvezli i VW caddy (A79 J 896), vlasništvo

ove firme, u kojem su odnijeli ukradenu robu. To vozilo je ubrzo pronađeno u Uskoplju, dok se za skupocjenim naočalama još traga. U skladište su upali nakon što su onesposobili alarmni sistem.

Pljačka

Uhapšeni se povezuju i sa pljačkom jedne kladionice, Sparkasse banke u Mostaru, koja je izvedena 18. jula, te sa još jednom pljačkom banke na području Livna. Iz Sparkasse banke ukradeno je oko 40.000 KM. Pored toga, dovode se u vezu sa pljačkom novca koji se nalazio u sefu zaštitarske agencije Securitas u blizini Rondoa u Mostaru. U sefu zaštitarske agencije nalazio se novac firmi Petrol, Drvosječa... **D. P.**